





2009/01/01 et André 3518

5103





# L'ORDRE DES CEREMO-

NIES OBSERVEES AV  
mariage du Roy de la Grand' Breta-  
gne, & de Madame sœur du Roy.

*Ensemble l'ordre tenuë aux fiançailles faictes  
au Chasteau du Louvre, en la Chambre  
de sa Maïesté.*

Avec l'ordre du service observé au souppé  
Royal faict en la grand' salle l'embris-  
see de l'Archeuesché.



A P A R I S,  
De l'Imprimerie de JEAN MARTIN,  
ruë de la vieille Bouclerie à l'Escu  
de Bretagne.

---

M. DC. XXV.

WORLD

DECEMBER

1911

THE

WORLD

DECEMBER

1911

THE

WORLD

DECEMBER

1911

THE

WORLD

DECEMBER

1911



# LE TRIOMPHE GLO-

*rieux & l'ordre des Ceremonies obseruees au mariage du Roy de la Grand' Bretagne, & de Madame sœur du Roy.*



EN fin le Ciel propice ala France, a voulu ce qu'elle respire, il y a si long temps. Les nuages qui s'ébloient vouloir obscurcir son esclat, & qui auoient cōme conspiré de faire mourir le fruit en sa fleur, sont maintenant dissipez, & cette mauuaise influence est aneantie à ce coup, Dieu a permis par vne volóté secrette, que les deux plus puissantes Courōnes de la Chrestienté soient vnies ensemble, par le plus celebre mariage qui se soit iamais veu dedans l'Vniuers. C'est donc auiourd'huy que tant de felici-

té, de gloire & de bon-heur ne pro-  
 mettent pas moins à nostre grand  
 Roy invincible L O V Y S LE I V S T E,  
 quel'Empire de tout le môde. Quel  
 contentement à la France, & quel  
 profit à la grande Bretagne, de se  
 voir vnies si inseparablement, par vn  
 nœud plus indissoluble que le gor-  
 dien, & par vne amitié mieux cimen-  
 tee que les murs Babiloniens fondez  
 par Semiramis? Il n'y a point d'en-  
 nemis assez forts pour esbranler ia-  
 mais deux Royaumes si florissans,  
 qui puisent leur grandeur du Ciel; &  
 bornēt leur puissance de toute la ter-  
 re. Resjouissons nous donc, bons  
 François, à ceste heure que les aduer-  
 saires de l'Estat tremblans de peur &  
 de crainte ont leur ame affligee d'v-  
 ne si belle alliance. Mais pour en lais-  
 ser la memoire eternelle, & la don-  
 ner en depost à la posterité. le veux



descrire icy le plus succinctemēt qu'il me sera possible, les magnificences, les triumphes, & l'ordre veritable de cēt heureux mariage.

Le leudy huiētiēme iour de May, le Roy paroissant dedās sa chambre comme vn beau Soleil qui luit au dessus de tous les autres Astres, ayant avec luy la Royne, seconde lumiere, Monsieur son frere vnique, Messieurs les Ducs de Nemours & d'Elbœuf, Marechaux de Vitry & de Bassompierre, & autres Seigneurs de la Cour, enuoya querir Madame qui y fut assiste par la Royne sa mere, Mesdames les Princesses de Condé & de Conty, Mesdames les Duchesses de Guyle, de Cheureuse, & d'Elbœuf, & plusieurs autres grandes Dames. Sa robbe estoit de toile d'or & d'argent toute parsemee de fleurs de Lys d'or, & enrichie de plusieurs

diamants & autres pierres precieuses  
La queue de ladite robe estoit por-  
tee par Mademoiselle de Bourbon.

Comme elle fut entree dedans  
la chambre du Roy avec vne Ma-  
jesté digne de sa naissance, Messieurs  
les Comtes de Carlile, & Milor Ho-  
land, Ambassadeurs pour le Roy  
de la Grand' Bretagne, y entrerent  
aussi tost, vestus avec le plus bel ad-  
uantage qui se puisse dire, donnant  
au Roy le contract de mariage qui  
fut leu tout haut par Monseigneur  
le Chancelier apres que sa Majesté  
eut agreee les conuenances. Les  
Ambassadeurs se retirerent en la  
chambre de Monseigneur le Duc  
de Cheureuse, au dessus de celle du  
Roy, & luy ayant fait entendre les  
accords. Il fut trouuer aussi tost sa  
Majesté, accompagné desdits sieurs  
Ambassadeurs & plusieurs autres Sei-

gneurs de marque, estant vescu d'un habit noir à bandes, toutes garnies de diamants, & les fers d'aiguillettes en estoient enrichis.

Arriué deuant sa Majesté il luy presenta sa procuration & le pouuoir que luy auoit donné le Roy de la Grand' Bretagne, qui fut inceree au bout dudit contract de mariage, que le Roy signa, Madame, les Roynes, Monseigneur le Duc de Cheureuse, & Messieurs les Ambassadeurs. Cela fait & arresté, Monsieur le Cardinal de la Roche-foucaut fit les fiançailles à la maniere accoustumee.

Cóme vne telle vnion ne se pouuoit pas paracheuer sans de grandes pompes, & d'infinites resioüissances.

L'Eglise de Nostre-Dame fut choisie pour les ceremonies de l'accomplissement du mariage, & fut toute

tenduë de riches tapisseries, tissuës de soye, d'or & d'argent.

L'on esleua enuiron de huiet pieds de terre, vne belle & longue gallerie, qui prenoit son commencement dès l'entree de la maison Archi Episcopale, & se venoit rendre à l'entree du Chœur de ladite Eglise. Elle estoit soustenuë de plusieurs pilliers, couuerte par le haut de satin violet, tout brodé de fleur de Lys d'or, & par le bas d'une belle roile de lin cirée, par dessus laquelle passerent toutes les ceremonies du mariage, comme il s'ensuit.

Premierement, le Capitaine de la porte, avec toute sa compagnie.

Les cent Suisses des Gardes du corps du Roy, vestus des liurees de sa Majesté, le tambour battant, & l'enseigne desployée.

Douze haut-bois vestus de semblables

blables liurees, qui rauissoient par leurs sons agreables les âmes par les oreilles.

Huict tambours couuerts de pareilles parures battoient si furieusement que les courages les moins hardis s'animoient au bruit d'un tel tintamarre.

Dix trompettes faisoient sauter de ioye & d'alegresse les cœurs dedans les corps.

Mon sieur de Rhodes Grand Maistre des Ceremonies marchoit apres tout cela, vestu à l'aduantage & fort bien accompagné.

Après luy Messieurs les Cheualiers de l'Ordre du S. Esprit tous brillans de pierreries.

Sept herauts d'armes alloient en suite avec leurs bastons & cottes de velours tanné cramoisy fleurdelisees d'or, marchants deuant le corps de



Messieurs les Mareſchaux de France.  
 Mesdits ſieurs les Mareſchaux de  
 France, à ſçauoir Mareſchal de Vitry  
 Mareſchal d'Aubeterre, & Mareſchal  
 de Baſſompierre.

Les Ducs & Pairs de France, meſ-  
 ſieurs d'Vzais, de Bellegarde, de  
 Briſſac, d'Aluin, de Luxembourg, &  
 Chaune.

Les Princes, meſſieurs de Ioinuille,  
 d'Ibœuf, & Comte d'Arcourt.

Monſieur le Duc de Cheureu-  
 ſe, veſtu d'un habit de drap noir tout  
 coupé & doublé de toile d'or avec  
 vne tocque auſſi de velours noir, ſur  
 ſa teſte vne enſeigne qui eſblouyſſoit  
 la veüe par ſon eſclat, vne eſcharpe  
 toute couuerte de roſes de diamants,  
 vn capot tout brodé d'or & ſemé de  
 pierrieres.

Messieurs les deux Ambaſſadeurs  
 Extraordinaires, tous deux couuerts

de toile d'argent battu avec la roque  
marchoiēt aux deux costez de mon-  
seigneur le Duc de Cheureuse.

Le Roy avec vn habit tout en bro-  
derie d'or & d'argent . . . tenant à sa  
main droite Madame, qui auoit vne  
Couronne sur la teste, & sa robe tou-  
te parfemée de fleurs de Lys d'or.

Monsieur de l'autre costé qui la  
tenoit de sa main gauche aussi super-  
bement vestu.

La Roynemere.

La Roynecouuerte d'une robe  
route brodee d'or, d'argent & de  
pierreries.

Mesdames les Princesses de Condé  
& de Conty, portans la longue  
queuë de ladite robe.

Madame la Comtesse de Soissons.

Mademoiselle de Mont-pensier.

Madame de Guise.

Madame de Cheureuse.

Madame d'Elbœuf.

Et tous les autres seigneurs & Dames de la Cour que ie ne peux specifier par le menu, tant le nombre estoit grand.

Toute ceste Royale & genereuse troupe s'arresta à l'entrée du grand portail de ladite Eglise au deuant duquel estoit vn grand parterre destiné pour faire le mariage, & où estoit élevé au dessus vn grand poëlle d'une valeur inestimable, sous lequel le Roy & Monsieur son Frere quitta Madame, la mirent entre les mains de M<sup>seigneur</sup> le Duc de Cheureuse, & alors Monsieur le Cardinal de la Roche-foucault espousa Madame, avec les ceremonies ordinaires de l'Eglise.

De là tout l'ordre cy dessus s'en alla dedans le chœur par vne longue galerie qui estoit allignée au milieu de



la nef de l'Eglise toute couuerte de  
tapisserie, la plus belle qui se peust  
iamais voir.

Au milieu dudit cœur estoient des-  
ja placez d'un costé en des sieges  
eminents, Messieurs les Presi-  
dents ayans leur mortier d'or sur la  
tête vestus de leurs robes d'escarla-  
tes doublees d'ermine, & Mes-  
sieurs les Conseillers avecques de  
semblables robes.

De l'autre costé paroissoit à part  
Monsieur le preuost des Marchands,  
couuert d'une longue robe de ve-  
lours rouge cramoisy & violet, assisté  
des Escheuins du corps de ville.

Dans le cœur de ladite Eglise estoit  
esleué de trois marches vn par-terre,  
au dessus duquel estoit vn autre grãd  
poëlle, où le Roy &, les Roynes, &  
Monsieur furent placez, & conduits  
par lesdits Duc de Cheureuse & Am

bassadeurs, lesquels se retirèrent à l'Archeuesché, iusqu'à ce que le service fut acheué, puis y retournerēt trouuer le Roy & Roynes apres la fin de l'office.

Leurs oraisons finies, ils s'en retournerent au mesme ordre dedans l'Archeuesché, où toute la Cour souppa.

Et puis en mesme temps, l'on ouyt vn tel bruiēt de coups de canons qui se tirerent, que l'on eust dit que la terre & le ciel se vouloient ioindre ensemble.

*De l'ordre du festin Royal.*

*L'ordre du festin Royal.*

**L**Esoupper fut dans la grād' Sale lambrissée de l'Archeuesché & la table tenoit d'vn bout à l'autre.

Le Roy estoit au milieu de la table, seruy par Monsieur le Grand Prieur, representant Monsieur le Grand Maistre, deuant luy mar-

choient nombre de tabours, trompettes & clairons, accompagné de Monsieur de Beaumont premier Maistre d'hostel, & trête-deux Maistres d'Hostel, to<sup>9</sup> le bastô à la main.

La viande estoit portée apres eux par Nosseigneurs les Princes, Ducs, Pairs, & Mareschaux de France, suivis des Gentils hommes de Cour & seruans. Monsieur de Ioinuille seruoit de grand Panetier : Monsieur d'Elbeuf d'Eschanson, & Monsieur le Comte d'Arcourt d'Escuyer trenchant.

La Royne Mere au costé droict du Roy, seruite par Messieurs les Ducs de Bellegarde d'Vzais & Luxébourg.

La Royne sur le costé droict de la Royne Mere seruite par Messieurs les Ducs d'Aluin, Brissac, & de Chaune.

La Royne d'Angleterre à costé gauche du Roy, seruite par Messieurs

les Mareschaux de Vitry, comme grand Panetier: Monsieur le Marechal d'Aubterre Eschanfon; & Monsieur de Bassompierre Escuyer trenchant.

Monsieur le Duc de Cheureuse sous la Reyne d'Angleterre serui par le sieur de Rochefort.

Les Ambassadeurs extraordinaires d'Angleterre pres dudit sieur de Cheureuse.

Monseigneur Frere de sa Majesté estoit assis aupres de la Royne, & toutes les Princeesses à la table, qui fut seruy avec quantité de seruices autant magnifiques que splendides & Royaux.

Les feus de ioye & d'artifices se firent par toutes les ruës, & l'on peut dire avec verité, que iamais la France n'eust plus de resiouissances.

F I N.





- 1234

SPECIAL	87-B
DA	2543
396	
A22	
065	
1625	



